

CORNISH SECOND YEAR CLASS ON-LINE

TUESDAY 5 OCTOBER 19:30

Yma Crysten ow pellgôwsel orth hy medhegva dens in Trûrû. Dierbynores an vedhegva yw aswonys dhedhy yn tâ.

- CRYSTEN Lowena dhis, a Tressa. Me a garsa gwil appoyntyans gans an densyth rag examnacyon rêwlys mar pleg. Hag appoyntyans gans an lanythyades kefrÿs.
- TRESSA Peur whrusta vysytia an dewetha tro?
- CRYSTEN (*ha'y dëdhlyver in hy dorn*) An êtegyes mis Merth – de Yow. An Yow yw pùpprës an gwella dëdh dhybm.
- TRESSA Wèl, de Yow an seythves mis Hedra yw leun yn tien solabrës. Ha'n keth hedna an peswardhegves. Saw possybyl yw de Yow an kensa warn ugans mis Hedra, hanter wosa deg gans an densyth hag udnek eur gans an lanythyades.
- CRYSTEN Gwell vëdh dohajëdh genama ...
- TRESSA Nâ, Crysten. A wrusta ankevy? Nefra nyns usy an lanythyades obma marnas kyns hanter-dëdh. Mès y hyllyn ny agria ken maner: udnek eur rag metya gans an medhek dens, ha hanter wosa udnek gans an lanythyades, mar pëdh heweres ...
- CRYSTEN Nâ nâ, Tressa, otham vëth a jaunja. Hanter wosa deg gans an densyth, udnek eur gans an lanythyades, dâ lowr – dhana udn eur rag prës ly heb clamder whath i'm ganow!
- TRESSA Eus poder dans genes ytho? Esta ow qwetyas an tardar? Me a yll gwil appoyntyans gorotham dhis i'n nessa dedhyow mars eus gloos warnas.
- CRYSTEN Duw dyfen! Ha my heb saya (= assaya) ma's hûmour an crogpren!

VOCABULARY

agria *v* agree
ankevy *v* forget
appoyntyans *m* appointment
aswonys *adj* known, familiar
clamder *m* numbness
crogpren *m* gallows
dëdhlyver *m* diary
densyth *m* dentist
dewetha *adj* last
dhana *adv* then
dierbynores *f* receptionist (female)
dyfen *v* forbid
examnacyon rêwlys *m* regular check-up

glanythyades *f* hygienist (female)
gorotham *m* emergency
gwella *adj* best
gwetyas *v* expect
heweres *adj* helpful
hûmour *m* humour
me a garsa *phr* I'd like to
medhek dens *m* dentist
nefra *adv* ever (present or future)
poder dans *m* tooth decay
possybyl *adj* possible
tardar *m* drill
Tressa *personal name* Tracy, Theresa